



Bosna i Hercegovina
Federacija Bosne i Hercegovine
Bosansko-podrinjski kanton Goražde
SKUPŠTINA KANTONA

Босна и Херцеговина
Федерација Босне и Херцеговине
Босанско-подрињски кантон Горажде
СКУПШТИНА КАНТОНА

Bosna i Hercegovina
Federacija Bosne i Hercegovine

PARLAMENT FEDERACIJE
SARAJEVO

Broj: 01-02-724-2/25
Goražde, 16. februara 2026. godine

Primljeno: 18-02-2026			
Org. jed.	Broj	Priloga	Vrijednost
02/c	-02-	1-718	/25

Skupština Bosansko-podrinjskog kantona Goražde, na 21. redovnoj sjednici, održanoj 16. februara 2026. godine, razmatrala je Davanje mišljenja na Nacrt Zakona o izmjenama i dopunama Zakona o roditeljima njegovateljima u Federaciji Bosne i Hercegovine, pa na osnovu člana 109. i 111. Poslovnika Skupštine Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 3/18 i 6/19), **donosi:**

ZAKLJUČAK

1. Skupština Bosansko-podrinjskog kantona Goražde prihvata Mišljenje Ministarstva za socijalnu politiku, zdravstvo, raseljena lica i izbjeglice Bosansko-podrinjskog kantona Goražde, broj: 08-02-2083-1/25 od 29.01.2026. godine, koje je Vlada Bosansko-podrinjskog kantona Goražde prihvatila svojim Zaključkom, broj: 03-02-251/26 od 05.02.2026. godine, i isto se smatra Mišljenjem Skupštine Bosansko-podrinjskog kantona Goražde na Nacrt Zakona o izmjenama i dopunama Zakona o roditeljima njegovateljima u Federaciji Bosne i Hercegovine.
2. Zaključak stupa na snagu danom donošenja.

DOSTAVLJENO:

1. Domu naroda Parlamenta FBiH,
Hamdije Kreševljakovića 3, 71000 Sarajevo,
2. Vladi BPK-a Goražde,
3. Ministarstvu za socijalnu politiku, zdravstvo,
raseljena lica i izbjeglice BPK-a Goražde,
4. a/a.



PREDSJEDAVAJUĆI SKUPŠTINE

Muradif Kankić

Bosna i Hercegovina
Federacija Bosne i Hercegovine
Bosansko-podrinjski kanton Goražde
VLADA KANTONA

Broj: 03-02-251/26
Goražde, 05.02.2026. godine

Na osnovu člana 23. Zakona o Vladi Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/15), Vlada Bosansko-podrinjskog kantona Goražde, na 15. redovnoj sjednici, održanoj dana 05.02.2026. godine, **d o n o s i:**

ZAKLJUČAK

1. Vlada Bosansko-podrinjskog kantona Goražde prihvata Mišljenje na Nacrt Zakona o izmjenama i dopunama Zakona o roditeljima njegovateljima u FBiH dostavljeno od strane Ministarstva za socijalnu politiku, zdravstvo, raseljena lica i izbjeglice Bosansko-podrinjskog kantona Goražde, i upućuje ga Skupštini Bosansko-podrinjskog kantona Goražde kao svoje.

2. Zaključak stupa na snagu danom donošenja.

DOSTAVLJENO:

1. Skupštini BPK-a Goražde;
2. Premijeru BPK-a Goražde;
3. Ministarstvu za socijalnu politiku, zdravstvo, raseljena lica i izbjeglice BPK-a Goražde;
4. Evidenciji i
5. a/a.-

PREMIJER

Senad Čeljo



Primi. št.	03-02-2026	
Organiz. jedin.		Broj priloga
	03-02-2539-1/25	

Bosna i Hercegovina
Federacija Bosne i Hercegovine
Bosansko - podrinjski kanton Goražde
MINISTARSTVO ZA SOCIJALNU POLITIKU,
ZDRAVSTVO, RASELJENA LICA I IZBJEGLICE

Bosnia and Herzegovina
Federation of Bosnia and Herzegovina
Bosnian-podrinje canton Gorazde
MINISTRY FOR SOCIAL AFFAIRS, HEALTH,
DISPLACED PERSONS AND REFUGEES

Босна и Херцеговина
Федерација Босне и Херцеговине
Босанско - подрински кантон Горажде
МИНИСТАРСТВО ЗА СОЦИЈАЛНУ ПОЛИТИКУ,
ЗДРАВСТВО, РАСЕЉЕНА ЛИЦА И ИЗБЈЕГЛИЦЕ

Broj: 08-02-2083-1/25
Goražde, 29.01.2026. godine

VLADA BOSANSKO-PODRINJSKOG KANTONA GORAŽDE
n/r Sekretara Vlade

PREDMET: Mišljenje na Nacrt Zakona o izmjenama i dopunama Zakona o roditeljima njegovateljima u Federaciji Bosne i Hercegovine, dostavlja se,-

Poštovani,

U skladu sa Zaključkom Vlade Bosansko – podrinjskog kantona Goražde broj: 03-02-2539/25 od 05.12.2025. godine, kojim je Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde zaduženo da dostavi Mišljenje na Nacrtu Zakona o izmjenama i dopunama Zakona o roditeljima njegovateljima u Federaciji Bosne i Hercegovine, obavještavamo vas da je Ministarstvo za socijalnu politiku, zdravstvo, raseljena lica i izbjeglice Bosansko – podrinjskog kantona Goražde razmatralo tekst Nacrta Zakona o izmjenama i dopunama Zakona o roditeljima njegovateljima u Federaciji Bosne i Hercegovine, te stim u vezi dostavlja sljedeće:

MIŠLJENJE

Uzimajući u obzir cilj izmjena i dopuna predmetnog Nacrta zakona kojim se želi unaprijediti postojeće zakonsko rješenje posebno u pogledu pojma i statusa roditelja njegovatelja, proširenja kruga korisnika te ukidanja kriterija „povreda kao uzrok invaliditeta“, Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde podržava donošenje izmjena i dopuna predmetnog zakona, te smatra da predloženi tekst Nacrta zakona predstavlja dobru polaznu osnovu za utvrđivanje i donošenje teksta prijedloga predmetnog zakona.

Naime, izmjenama i dopunama ovog Zakona precizno se definiše ko od srodnika može steći status roditelja njegovatelja, uz uslov postojanja zajedničkog domaćinstva s licem s invaliditetom. Taksativno su pobrojane kategorije srodnika, čime se otklanjaju dosadašnje dileme u praksi, uključujući i izjednačavanje

bračnih i vanbračnih drugova. Time se onemogućavaju zloupotrebe putem imenovanja staratelja u svrhu sticanja statusa, a istovremeno se osigurava dosljedna i pravična primjena zakona.

Izmjenom zakona dodatno se uređuje i pitanje ostvarivanja statusa roditelja njegovatelja od strane stranih državljana.

Također, ovim izmjenama zakona detaljnije se preciziraju uslovi za priznavanje statusa roditelja njegovatelja. Status roditelja njegovatelja može se priznati nezaposlenom roditelju koji je prijavljen na evidenciji službe za zapošljavanje, a u slučaju punoljetnog djeteta s invaliditetom, i ono mora biti nezaposleno i evidentirano. Iznimno, ako lice s invaliditetom nije na evidenciji, može se priložiti potvrda Porezne uprave da nije osigurano u sistemu doprinosa. Osim toga, roditelj mora biti mladi od 65 godina, ne smije primati penziju i mora imati ljekarsko uvjerenje o psihofizičkoj sposobnosti za obavljanje ove uloge.

Nadalje, predmetnim zakonom izmjenjeni su i uslovi odnosno razlozi za nepriznavanje statusa roditelja njegovatelja. Izmjenama zakona omogućeno je da roditelji djece s invaliditetom koja pohađaju predškolsku ili obrazovnu ustanovu duže od četiri sata dnevno mogu ostvariti status roditelja njegovatelja, bez obzira na trajanje boravka. Time se otklanja ranija prepreka zasnovana na promjenjivom broju sati boravka u obrazovnim institucijama i sprečava isključivanje djece s invaliditetom iz obrazovnog procesa. Također, dodatno su definisane smetnje za sticanje statusa, uključujući okolnosti povezane s porodičnim nasiljem i zanemarivanjem.

Dopunom zakona precizirano je i postupanje organa starateljstva u slučajevima kada je pravo na status roditelja njegovatelja vremenski ograničeno zbog kontrolnog pregleda. Ovo se posebno odnosi na situacije u kojima dolazi do promjena u pravima djeteta s invaliditetom, utvrđenim prema zakonima o socijalnoj zaštiti. Ova pitanja prethodno nisu bila regulisana osnovnim tekstom zakona, što je u praksi stvaralo dileme i nejasnoće.

U cilju poboljšanja teksta predmetnog zakona, te ukazivanja na još uvijek nedovoljno definirane odredbe i predložena zakonska rješenja, Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde dostavlja svoje prijedloge za izmjene i dopune pojedinih članova predmetnog Nacrta zakona.

I. Komentari, primjedbe i prijedlozi na pojedine odredbe predloženog propisa

Odredbe na koje se daju primjedbe:

Član 6.

(Status roditelja njegovatelja)

(1) Status roditelja njegovatelja pod uslovima utvrđenim ovim zakonom priznaje se jednom od roditelja lica sa invaliditetom sa 100% oštećenjem organizma i pravom na dodatak za njegu i pomoć od drugog lica prve grupe, utvrđenim u skladu s federalnim propisom o zaštiti lica s invaliditetom.

Predlažemo da se u članu 6. zakona u stavu (1) iza riječi: „prve grupe“ dodaju riječi: „i druge grupe“.

Komentar i obrazloženje:

Trenutni Zakon o roditeljima njegovateljima u Federaciji Bosne i Hercegovine kao i predloženi Nacrt izmjena i dopuna ovog zakona, prema mišljenju ovog Ministarstva, pravi diskriminaciju za djecu i osobe sa neurorazvojnim, intelektualnim poteškoćama u razvoju i djecu iz autističnog spektra, koji su vrlo često od strane Instituta za medicinsko vještačenje zdravstvenog stanja ocjenjeni da imaju pravo na dodatak za njegu i pomoć od druge osobe druge grupe.

Stoga smatramo da je neophodno da se svim osobama koje ostvaruju pravo na dodatak za njegu i pomoć od druge osobe prve ili druge grupe, omoguće ista prava prema ovom zakonu.

S poštovanjem,

Akt pripremio:
mr.sc. Muhamed Hadžić, dipl.scr.
Pomoćnik ministra

Dostavljeno:
Naslovu;
a/a



MINISTRICA
Larisa Dučić, dr.stom.